



UNIVERSITÄTS-  
BIBLIOTHEK  
PADERBORN

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

No. LXIII. Jvlivs Alberonvs Placentinus.

---

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

No. LXIII.

# JVLIVS ALBERONVS PLACENTINUS.



Ulius S. Adriani Cardinalis Alberonus Placentinus natus est An. 1664. die 30. Martii. Parentes natus erat honestissimos; sed qui diurno labore viverent. Hortum coluisse constat. Credo, ut Julius Abdalonymi instar esset, qui ad Regalem Purpuram ab areolis evocaretur. Enimvero Julius ab incunabulis statim prodidit, quantus denique Vir in publicum Orbis theatrum progressurus esset. Tam vivida vis memoriae, & ea perspicacia ingenii in puerio erat, ut coetaneos suos multis post se parasangis relinquere. Apud Canonicos Regulares S. Pauli (quos etiam Barnabitas indigitamus, eò quod Divi Barnabæ cultui unicè mancipati sint) literas humaniores edocebat; & statim historias tam probè callebat, ut nihil ex omni retro antiquitate esset, quod ejus perspicaciam ingenii superergeret. Hinc ille futurae sapientiae fundamina jaciebat, & Historiâ duce, præterita probè dignoscerebat, præsentia ordinabat, & futura intropiciebat. Postea sublimiorum scientiarum curriculum ita percurrebat, ut sumnum futurum, omnes angurarentur. Inde Sacris Ordinibus initiatibatur, beneficio in principe Urbis Ecclesiâ obtento. Statim postea Barnius Pontificis apud Ravennates Prolegatus, eum ad suas ædes traduxerat, optimum & fidelissimum cœconomum (eo enim munere fungebatur) expertus. Postquam Barnius ad Archiepiscopatum Placentinum promotum se vidit, Julium Alberonum in patriam urbem unà secum attraxit; & cum ejus Viri solertissimam indolem perspectam haberet, Barnium quemdam ex agnatis ejus curæ coenitiebat, ut in optimis Civilis Regininis artibus probè informaretur, quas sui illi rerum magister, ex intimis politiæ visceribus, ad amissim callebat. Exinde Julius cum Episcopo Castris S. Dominici ex Comitibus Ronconviis, quem Dux Parmensis ad Vendomii castra ablegârat, eò unà se conferebat. Cum Gallicam linguam eleganter loqueretur, & eruditionem non vulgarem exhiberet; adhac in dictis & factis insignis sapientia promicaret, facile se Vendomio Gallorum Herculi probabat; ita ut aularum negotiis unicè factum, a se neutiquam dimittendum decerneret. Enimvero Gallicus ille Achilles hunc veluti Patroclum suum tanto amore prosequebatur, ut non alio quam CHARI ABBATIS sui nomine tam doctum caput compellaret. Et ex iis initis grande hoc Sapientiae domicilium ad summum denique gloriæ apicem exsurrexerat. Nam Dux Parmensis Francisco Farnesi, probè animadvertisens, summum gratiæ locum ab hoc subdito suo in Gallorum castris teneri, non modò Comitis titulum & prærogativam meritissimo Viro liberaliter indulxit, verùm suarum etiam apud Vendomium Procuratorem rerum esse voluit; quam ille provinciam tam gnaviter obibat, ut Principi suo ad amissim satisfaceret. Vendomio ad Belgicam militiam translato, ejus lateri perpetuo adhærebat. Nec etiam in Hispaniam digressum destituebat, sed filum à fortuna inchoatum strenue prosequebatur, & quam sibi ad gloriam consequendam Sors viam aperiebat, in remotissimâ etiam Regione quarebat. Parisis tamen, antequam in Hispaniam iret, paulisper moratus, non modò ad Regias manus, Vendomio aditum sternente, deosculandas admittebatur; verùm etiam annuâ pensione, Regis munificentia, condonatum se vidit. In Hispaniâ homo licet Italus,

Zz

in

in omnem tamen partem mirâ solertiâ versatilis, in Hispanorum mores unâ & amores facile iîmigrabat. Solemne illi erat, solidas noctibus dies maritare, & tempora somni arctiora quâm noctis erant. Plerumque per diem naturalem octodecim integras horas laboribus consecrabat, solas sex reliquas horulas ad quietem sibi aut somnum capiendum vir indefatigabilis seposuerat. Ingenium ei ubivis præsens erat, nec quicquam contingere visum, quod ille non diu antea admirabili sagaciâ prospexerit. Virili gravitate cùm polleat, nihil tamen humanitate illius, quâ nec infimum quemquam ex plebe præteritum volebat, ad demulcendos hominum animos concinnius visum. Regnorum arcana & grandia quævis consilia tam alto silentio, & dissimulatione contegere nunquam non visus est, ut nihil minus, quâm quæ vel maximè agebat, prudentissimus Princeps, agere crederetur. Corpore parvus, animo tamen, quô solô vinci nunquam potuit, maximus est. Ipsi Oculi (quos cordis fenestras indigitamus) amœnè scintillantes satis eloquuntur, quanta in animo Sapientia hospitetur. His tot naturæ & ingenii dotibus ornatus, quid mirum, si in Philippi V. Regis Hispaniarum gratiam non tam irrepit, quâm arcana quadam virtutis vi potenter semet insinuavit. Nec ante beneficium obtinebat, quâm maximum dedisset; Nam Arragonia & Valentia in Regis obsequio, ejus viri solertia conservatæ dicuntur: certè per utrumque regnum sagacissimus Dynasta dies noctesque circumcursabat, & summâ illâ, quâ ad stuporem audientium pollet, facundiâ, nuntiantes animos ad Philippi V. partes propius inflectebat. Post Vendomii mortem, quæ contigit An. 1712. die 10. Junii, Lutetiam Parisiorum ibat, Galliarum Regem probè edocurus, quis rerum status per Hispaniam esset. Quotus in aciemiles, in aula Dynasta pro Rege staret. Quantum Philippus V. Gallicis subsidiis juvandus esset, ut bis nutans in regio capite corona solidaretur. Auditus est cum summa attentione à Regum Sapientissimo, qui ex ejus vultu & ore, quo oracula promere visus, penitus defixus hærebat. Remissus est regiis mandatis luculenter instructus. Immò Dux Parmensis eum suum in Regiâ Aulâ ministrum denominaverat, quo quidem publico charactere insignitus, tunc primò omnium prodiit. Statim res contigit, quæ felicitatis telam, tam feliciter ejus Sapientiæ. Viri inchoatam, penitus absolveret; nam Mariâ Ludovicâ Gabrielâ Sabaudâ Anno 1714. die 14. Februarii è vivis sublatâ, Philippo V. nova Sponsa quærebatur, Hispanorum magnitudini par futura. Et Julius Alberonus in causa fuisse perhibetur, ut Elisabetha Parmensis Eduardi III. Parmæ & Placentiæ Principis, & Dorotheæ Sophiæ Palatinæ filia, ad regium Hispaniæ culmen evocaretur. Protinus non successivis intervallis & veluti per gradus ad summa quæque pervenit; sed altissimum gloriæ verticem priùs tenuit, quâm scandere visus sit. Nec Hispani proceres, utut authoritatis retinentissimi, homini extero invidere visi, in quo tot eximia decora, quot simul omnia raro admodum in eodem subiecto concurrunt, reperiebantur. Primò quidem Mallaccæ Episcopatus, cuius redditus ad septuaginta aureorum millia facile ascendunt, Philippi V. regiis favoribus ei conferebatur. Statim exinde Hispalensem Archiepiscopatum, qui secundum à Toletanâ Ecclesiâ locum obtinet, Rex eidem attribuit; cuius tamen Confirmatio à Sede Pontificiâ suspendebatur, eò quod Sacrorum Canonum placita obstat viderentur, ne à Malaccensi Episcopatu recentissimè obtento, uno veluti saltu ad Archiepiscopalem sedem transfiliretur. Rex tamen apud sedem Apostolicam pro impetranda confirmatione ardentissimè instabat, facile obtenturus, nisi repens rerum mutatio exorta, eos veluti in canis conatus intervertisset. Interim in Hispaniâ Julius Ministrissimum agebat: Rex ejus oracula venerabatur, integra Hispania, quem Rex unicè diligebat, vix non adorabat,

rabat, exteri etiam principes primæ admissionis Ministrum, summopere excubabant. Sola Purpura restare videbatur, quā summa Viri Merita condecorantur; nam Julio Alberono ad clavum in Hispaniæ Regno sedente, contigere non pauca, unde Sancta Mater Ecclesia gauderet. Primo Philippus Hispaniæ Rex Catholicus, pro eō, quō se teneri declaraverat, Ecclesiæ jura tuendi singulari studio, diserte mandaverat, ut vetitum jam dudum Hispaniæ Nationi cum Romanâ Curiâ commercium (ex eo videlicet tempore, quo Carolus III. Hispaniæ regem Sacra Sedes agnoverat) prorsus in integrum restitueretur. Secundò ut Pontificius in illis regnis Nuntius, ejusque Tribunal, Ministri, & Officiales quilibet ad prærogativas, honores, facultates, ac jurisdictiones omnes, quibus antea frui ac potiri consueverant, plenè redintegrarentur. Tertiò ut omnia tam ad Ecclesiam, quām Apostolicam sedem pertinentia, prorsus in eum statum reponerentur, quō fuissent, quando Carolus II. regali in solio sedebat; quæ postrema declaratio multum faciebat, ad multas Ecclesiasticæ jurisdictionis, ac Apostolicæ Authoritatis Offensas cumulatè reparandas. Demum Philippus V. multis bellicas naves in Turcas armaverat, quæ reliquis junctæ, in totius Christianitatis emolumentum longè maximum Mari Mediterraneo immitebantur. Hæc tot tantaque beneficia Sanctissimus Pater magna ex parte in acceptis referebat Julio Alberono Hispaniæ Ministrissimo. Hinc eum in Consistorio Secreto habito Anno 1717. die 12. Julii, Cardinalem à se nuncupandum duebat. Causas luculenter propalabat; Nam facta prædictorum beneficiorum commemoratione ita subinferebat. *Hec omnia pertractata, acta, gesta, ac tandem ad eum, quem audistis, felicem exitum perducta, & stabilita fuerunt enixo potissimum studio dilecti Filii Juli Alberonis, cuius scilicet unius operâ prefatus Philippus Rex in eiusmodi negotiis usus fuit.* Accedit ad ipsius Alberoni commendationem: quod idem hic est, qui memorati Regis Philippi iussu sedulo curavit, ut anno præteriro plurimum bellicarum navium. ac triremium agmen munitissimum adornaretur, quod ab eodem Rege rogatu nostro in auxilium Christianæ Classis adversus Turcas transmissum fuit; nec sanè imparem adhibuit curam, ut etiam hoc anno à predicto Rege in eundem finem mittenderet aliud validius sexdecim bellicarum navium subsidium, quod omnibus necessariis optimè instructum è portu Gadicensi jam soluisse nuperrimè accepimus. *Æquum propterea existimamus præsertim, ut nostram erga Regem, qui Nobis & Ecclesiæ satisfacere non erubuit, paternam charitatem luculento aliquo testimonio comprobemus, Virum hunc ei gratum, similique de Apostolica Sede, ac de publicâ causâ premissis nonnihil bene meritum Fraternitatum vestiarum numero adscribere: ut alacrius ad alia, & quidem majora in posterum peragenda, que Christianæ Reipublicæ, & Catholicæ Ecclesiæ leta esse possint, & utilia tam Rex ipse, quam idem ejus Minister Alberonus amplissimo hoc Pontificie largitaris munere vehementius inflamentur.* Hæc de Julio Alberono Sanctissimus Pater. Sed quæ rerum humanarum vicissitudo est, subito exorta tempestas tam Serenum Cælum tristibus nubilis involvebat; & die 5. Julii tantus Princeps inter rara variantis fortunæ exempla numerandus integro Regno, cui tam utillem operam navasse videbatur, excedere jussus. Mox nova tempestas è Capitulo in Magnanimum Virum, & invidorum artibus, prout in litis progressu apparabat, circumventum, detonabat. Nam Sevestæ Tiguliorum (sestri di Lepante vocant) à Januensisibus, requirente Pontifice, apposita custodiâ, suis in ædibus servabatur; sed ne hospitalitatis jura infringere videretur, laxata custodiâ, Senatus Januensis liberum dimitti curaverat. Hic enim verò tam acerbè à fortunâ vapulans, stabat tamen adversus Calamitates inconcussus Princeps, nunquam visus magis mirandus, quācūm fortunæ insultantis ictus imperterritò animo exciperet. Certè ceu ea calamitas ad se non pertineret, vultu semper imperterritò, & explicato frontis honore conspiciebatur, ita ut penè in stuporem raperentur, qui Virum calamitosum, sed simul de præteritâ suâ vitâ ni-

hil remittentem, in seras usque noctes laboriosum, inter amicos ridentem, suaviter cum omnibus conversantem, & veluti imaginariam (ut ita dicam) etiam in illo rerum statu Rempublicam gerentem conspiciebant. Cùm causa, quæ tantum Virum affixit, invidiosè per totum Orbem traducta fuerit, neque hic à me reticenda, ita tamen, ut simul tuear, videtur. Reus agebatur, quod sexdecim bellicæ naves anno 1717. adversus Turcas destinatæ, in anchoris nunquam solutis hæsisserent; immò quod ipsius etiam consilio bellum adversus Cæsarem, cui tunc vel maximè cum Turcis res in Hungaria erat, ab Hispania decreatum fuerit. Ea omnia Julius in oculis totius Europæ luculenter refutaverat, suorum etiam prototypon literarum, ad Regem datarum, exhibendo, quibus bellum in eo rerum articulo, quo tunc deprehensa Christianitatis salus hærebat, ceu minus decorum futurum apertè dissuaserat. Culpa itaque in alios (quos cuncte demum) malignorum consiliorum suggestores recidebat. Postquam Clemens XI. Pontifex integerrimus, & justitiae laude florentissimus, è vivis excessisset, Sacri Collegii Senatores unanimi calculo censuerant, Julium Alberonum, cuius indemnata memoriam venerabantur, dignissimum videri, qui ad Sacrum Conclave pro novo Pontifice eligendo advocaretur. Advolabat ille contrà, ac invidi opinabantur, sinnocentiâ suâ plenissimè fretus. Integra Roma, advenientis Famâ commota, ad portam effundebatur; & Virum humanissimum intueri, & in ejus amores effundi, unâ contingere visa. Tunc quidem Palatium in Campo Martio incolebat, ipse adversus Fortunæ injurias Mars alter futurus. Enimvero pleno statim sydere sol iste Romanis micabar. Largissimas eleemosynas in pauperes dispensando, eorum beneficentissimus parens audiebat. Triginta Romanas puellas, dote liberaliter attributa, honesto nuptui collocaverat. Ingentem auri vim profundebat, ut complures, ob æs alienum contractum carceri mancipatos, pretio soluto, eximeret. Talem denique se omnibus exhibebat, ut prorsus alium, quam quem malevalorum artes depinxerant, oculatissima Roma intelligeret. Ergo ab Innocentio XIII., ipsâ videlicet Innocentiatâ tanto Virtutis Alumno suffragante, facile absolvebatur quem vita sua integerrimè perfecta, jam dudum absolvisset. Ex ejus manibus purpureum Galerum, suo impositum Verticî, recepit; tunc demum verè Julius dicendus, utpote qui tot Pompejos, seu suæ invidos gloriæ magnificè detriumphârit. Non defuere, qui Maximum hunc Cardinalem Julium Alberonum, decantatissimo Purpurato Julio Mazarino, eorum comparatione Virorum non inconcinnè institutâ conferrent. Nam utrius idem Julii nomen obtigerat. Uterque Politicorum artibus circumventus, è summo apice, quemancillante fortunâ attigerat, momento citius præcipitabatur. Julius Hispaniâ, Mazarinus Galliâ expulsus est. Mazarinus improsperâ fortunâ detriumphatâ rediit: Julius Alberonus penè in procinctu, ut redeat, stare videtur, de utroque hi versus exstant.

Purpura num tulerit, mihi dic plus Julio honoris,  
Julius attulerit plûsne decoris ei?  
Julius excelfo Mazarini nomine gaudet,  
Aut fieri aut factis quis neget esse parem?